

Taimi faatulaga o Suega a le NAPLAN 2011

	Aso Lua 10 Me	Aso Lulu 11 Me	Aso Tofi 12 Me
Tausaga 3	Gagana Fonotaga 40 minute Tusitusi 40 minute	Faitautusi 45 minute	Numera 45 minute
Tausaga 5	Gagana Fonotaga 40 minute Tusitusi 40 minute	Faitautusi 50 minute	Numera 50 minute
Tausaga 7	Gagana Fonotaga 45 minute Tusitusi 40 minute	Faitautusi 65 minute	Numera <u>Calculator</u> 40 minute <u>Leai ni- calculator</u> 40 minute
Tausaga 9	Gagana Fonotaga 45 minute Tusitusi 40 minute	Faitautusi 65 minute	Numera <u>Calculator</u> 40 minute <u>Leai ni- calculator</u> 40 minute

- Fonotaga mo Gagana e aofia ai le sipelaina, ole kalama ma faailoga (punctuation).
- Numera e aofia ai fuainumera; o va; alkipala (algebra), galueina (function) ma ata/mamanu (pattern); fuataga, avanoa ma faamaumauga.
- E LE faatagaina **Calculators** i suega o le Numera ile Tausaga 3 ma le 5. I le Tausaga 7 ma le 9, e tasi le suega o le Numera e faataga ai calculator ae tasi foi le suega e le faataga ai.

NAP NATIONAL
ASSESSMENT
PROGRAM
www.naplan.edu.au
(POLOKALAME O ILOILOGA ALE ATUNUU ATOA)

acara AUSTRALIAN CURRICULUM,
ASSESSMENT AND
REPORTING AUTHORITY
www.acara.edu.au
(PULEGA O MATAUPU A'OA'OINA, ILOILOGA MA LE LIPOTIINA)

NAPLAN 2011

POLOKALAME O ILOILOGA
ALE ATUNUU ATOA

Faitautusi Tusitusi ma le Numera

Faamatalaga mo Matua



O le a le NAPLAN?

O le Polokalame o Iloiloga ale Atunuu Atoa – Le Faitautusi Tusitusi ma le Numera (NAPLAN) o se iloiloga mo le atunuu atoa e fai i tausaga uma mo tamaitiaoga uma e i le Tausaga 3, 5, 7, ma le 9. E i ai le manatu o tamaitiaoga uma i tausaga nei e ao lava ona auai i nei suega o le Faitautusi, Tusitusi, Fonotaga mo Gagana (sipela, kalama ma faailoga (punctuation) ma le Numera. Ua tofusia uma lava pulega o aoga uma ale malo ma aoga e le ni aoga ale malo ma o latou sao ile atinaeina o mea uma lava mo le NAPLAN.

Aisea e fai ai e tamaitiaoga ia suega ale NAPLAN?

O le NAPLAN o se fua lea e mafai ai e malo, pulega o aoga, aoga, faiaoga ma matua ona filifili pe o mafai pe leai ona faamalaeina e talavou Ausetalia ia matati'a taua o aoaoga ile faitautusi tusitusi ma le numera. O nei suega e mauaina ai e matua ma aoga le malamalamaga pe faapefea aoga ma galuega a tamaitiaoga taitoatasi i taimi e fai ai suega. E mauaina ai foi e aoga, setete ma teritori ia faamatalaga e uiga i polokalame aoga poo gasolosolo lelei ma poo fea foi ni vaega e ave iai le faamuamua ina ia faaleleia atili.

O suega ale NAPLAN o nisi ia o vaega o susesuega ma le lipotiina ale aoga, ma e le suitulaga lea i iloiloga mae'ae'a faifai pea e faiaoga e uiga i faagaioiga ale tamaitiaoga taitoatasi lava ia.

O mea o le a susesueina, ma e faapefea?

E sueina ele NAPLAN ia ituaiga tomai i tamaiti taitoatasi uma lava ina ia alualu i luma ile aoga ma le soifuaga, pei ole faitautusi, tusitusi, sipela, kalama ma le numera. O mea uma e aofia i suega taitasi e faailoaina mai ele *National Statements of Learning* mo le Iglisi ma le matematika lea e faapine ai va'ava'a o aoaoga ale setete ma le teritori. O fesili e fai i tali e tele ete filifili mai ai (multiplechoice) pe manaomia foi na ose tali puupuu e tusi mai. O le tusitusi e manaomia ai le tamaitiaoga e tusi mai se tala faagauloto.

O ai e faia suega?

O suega ale NAPLAN e fai ele aoga ma e faia ma vaai ele aoga lava ia, o faiaoga o vasega, o sui puleaoga poo le puleaoga foi. E vaai ma makaina lave e setete ma teritori taitasi a latou suega e faatatau i taiala malu puipua ma e pei ona faatulagaina.

E mafai ona ou fesoasoani i la'u tama e sauni mo suega?

O iloiloga a le NAPLAN e faia e tamaitiaoga ose vaega masani o la latou polokalame aoga. O le a mautinoa lelei e faiaoga ua lava sauni tamaitiaoga mo suega ma latou te tuuina atu foi ia fesoasoani talafeagai ma le taitaiga tonu. E le fautuaina ia faaoga ia auunaga o faiaoga mai fafo. O le auala pito i sili ona lelei e sauni ai mo suega, ia mautinoa lelei ua faamoeina lelei ia tomai ole faitautusi tusitusi ma le numera i mataupu ia e a'oa'o ina ile aoga. E mafai ona iloilo ina ia fesili faataitai ma Tusitusiga faataitai i luga ole upuga tafailagi ale NAPLAN website: www.naplan.edu.au.

O a nisi lagolago faaopopo atu e mafai ona maua mai le aoga mo tamaitiaoga e i ai manaoga faapitoa?

E una'ia faamalosi tamaitiaoga uma lava ia auai i suega a le NAPLAN. O tamaitiaoga e i ai manaoga faapitoa atonu e agavaa latou mo avanoa faapitoa ia e atagia mai ai le lagolago ina masani i potu aoga, ma tamaitiaoga e i ai manu'aga le tumau e mafai foi ona maua lataou avanoa talafeagai ai ma talia lelei.

E i ai se faatagaga aloa'ia e mafai ona tuuina atu mo se tamaititi e i ai se mea e matua faaletonu ile tino/mafaufau, pe faatoa taunuu mai nei i Ausetalia ma e sau ise atunuu e le tautala ile gagana Iglisi.

E mafai e le pulega o suega i lau setete ma le puleaoga o lau aoga ona tuuina atu nisi faamatalaga ia oe mo aiaiga faapitoa poo tulaga e manaomia e maua ai faatagaga faapitoa (exemption).

E faapefea ona fuaina faagaioiga a le NAPLAN?

O suega ale NAPLAN e le faia ile pasi poo le le pasi. E faaalia faagaioiga a tamaitiaoga taitoatasi i luga ole fua faale-atunuu atoa mo suega taitasi uma. O nei fua o suega taitasi uma e i ai vaega (bands) e sefulu ma o maualuga o tausaga uma lava e lipotia i luga o fua lava nei e tasi (same scale). O le ono o vaega e lipotia ai ia maualuga mo tausaga taitasi mo suega taitasi. O se tasi o nei vaega o le a fai ma sui o le tapulaa pito i maualalo ole atunuu atoa mo tamaitiaoga ole maualuga i tausaga taitasi. O se faaiuga (result) ile tapulaa pito i maualalo ile atunuu atoa e faailoa ai ua faia ele tamaitiaoga ia tomai faavae ile faitautusi tusitusi ma le numera e manaomia e auai ai atoa ile maualuga mo lena tausaga. O faagaioiga a tamaitiaoga taitoatasi e mafai ona faatusatusa i faagaioiga tusagalemu a tamaitiaoga uma lava a le atunuu atoa o Ausetalia.

O le a le mea e tupu pe a le aoga la'u tama i aso e fai ai suega?

Pe afai e mafai ai, o le a taumafai lava aoga ia faatulaga seisi taimi mo tamaitiaoga sa le ao'oga i aso sa fai ai suega ia fai a latou suega i seisi taimi ole vaiaso. E le faatagaina ni tamaitiaoga taitoatasi e sue i suega i tua mai o le aso Farai 13 o Me.

O le a ou mauaina ea se lipoti o faagaioiga a la'u tamaititi?

O le a faia e lau aoga se lipoti ole NAPLAN mulimuli ane ile tausaga. E tutusa lava le faiga o lipoti mo tamaitiaoga uma lava i Ausetalia. O le a ta'u atu ele aoga ia oe pe a faapea o lena ua lafo atu lipoti i aiga. Afai e le maua atu sau lipoti, ua tataua loa ona e faafesootai le aoga. O iuga o suega a tamaitiaoga taitoatasi e matua malu puipua lava e le faalaua'iteleina

E faapefea ona faaoga ia iuga (results) o suega a le NAPLAN?

- E faaoga e aoga ia iuga o suega i polokalame o aoaoga ma faatulaga ai sini ile faitautusi tusitusi ma le numera.
- E faaoga e polokalame a aoga ia iuga o suega e toe lilo ai polokalame ma fesoasoani e ofoina atu i aoga.
- E mafai e tamaitiaoga ma matua ona faaoga ia iuga o suega a tamaiti taitoatasi e talanoa ai i le alualu i luma o latou aoga ma faiaoga.
- E faaoga e faiaoga ia iuga o suega e fesoasoani ia latou ia iloa lelei ai poo ai tamaiti e manaomia lu'igaga tetele atu poo ni fesoasoani faaopopo atu.
- E mafai ona iloa ele komiuniti ia iuga tusagalemu o suega ale NAPLAN i luga ole upegatafailagi a le *My School* website.

O fea ou te maua mai ai nisi faamatalaga?

Mo nisi faamatalaga e uiga ile NAPLAN:

- asiasi ile www.naplan.edu.au
- faafesootai le aoga a lau tamaititi
- faafesootai le pulega o aoga o lau setete poo lau teritori (o auililiga e mafai ona maua ile uepesaite ale NAPLAN)